

أبو كاطع التميمي
جواد عبد ال مبارك التميمي

طور أهله

شعر شعبي عراقي

صدرت الطبعة الأولى في فبراير 2020

بطاقة الكتاب

عنوان المؤلف	طور أهله
المؤلف	أبو كاطع التميمي جواد عبد ال مبارك التميمي
التصنيف	شعر شعبي عراقي
رقم الإيداع	2020-3826
الترقيم الدولي	978-977-6771-53-6
رقم الإصدار الداخلي	566 الطبعة الاولى فبراير 2020
عدد الصفحات	94 صفحة
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجي عبد المنعم



مؤسسة
النيل والفرات
للطبع والنشر والتوزيع
أسسها الناشر ناجي عبد المنعم
حلم 2017

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - 020554372901 تليفاكس:




النيل والفرات

nagyegy200064@gmail.com

alnilewaalfourat@gmail.com

المقر الرئيسي: ع.م.م. محافظة الشرقية - العاشر من رمضان - مجاورة 13 - أمام سنتر الـ 13 - عقار 304

المقدمة

" طور أهله وابوذية ابو گاطع "

بقلم الشاعر سالم الحمداني

ان جميع اهالي سوق الشيوخ يكنون المحبة للشعر والادب وخاصة الأبوذية التي تعتبر حالة متفردة لاهل المدينة على المستوى المحلي والعربي والعالمي ومنهم الشاعر المتألق باسم جواد ال مبارك الملقب (ابو گاطع) تتفجر طاقاته الشعرية بين الحين والآخر بموهبته التي نهلت من معين سوق الشيوخ الزاخر بالأدب والمعرفة والفنون الاخرى فضلا على تكوينه الممزوج بين المدينة والريف وتربته في بيت والده الشاعر جواد ابو كاظم ال مبارك الذي جعله ان يمتلك معجما ثرا من المفردات المعبرة التي التصقت بمخيلته ومن ابياته

يدنيا جيبى قيدج كلبجينه

اوتعبنه من البواحي كلبجينه

بجينه اعله الهريسه كلبجينه

اوصفينه اخوان واحد طگ اخيه

انا القبه دائما "بالمغرد" في الفضاء الشعري ومولعا في كتابة الابوذية حتى منحها مميزات النجاح ليكون محط انظار الشعراء وذاع صيته من خلال التمرس في المساجلات بينه وبين الشعراء الاخرين من مدينة سوق الشيوخ وخارجها وله العديد من المساجلات باستمرار اراه يطلق العنان لموهبته الشعرية في كل مكان وزمان وتنتقل ابوذياته الى مدن اخرى القريبة والبعيدة من سوق الشيوخ من خلال صفحات التواصل الاجتماعي والفيس بوك

والابوذية اصبحت متنفسا له وقد حازت دلته المملوءة دائما بالقهوة
العربية الاصيلة في ديوانه العامر المساحة الواسعة من شعر الابوذية

كما يبوح لنا في هذا البيت
الْصَّدِيجُ أَوْيَهُ الصَّدِيجُ أَصْبَحَ يَدْلُهُ
أَوْدِيبُ الْخَيْرِ كُلِّ طَيْبٍ يَدْلُهُ
أَعْجَزَتْ يَسْرَائِي مَنْ شِلْجٍ يَدْلُهُ
عَرَفْتُ الْآنَ بِأَنَّ الْخُلْلَ بِيَهُ

نقرأ دائما ونستمع لابوذياته ونتأمل كثيرا ونتذوقها متعة وجمالا
يمتلك الشاعر ابو كاطع موهبة وواحات ابداعية ورقية المفردة في
مدوناته المختلفة لأدرك شيئا واحدا بانني استمتع كثيرا عندما التقية
واستمع اليه وهو يقرأ لي نتاجه الفاخر في الابوذية وبصماته
المميزة ، ابارك لابو كاطع الوليد البكر "طور اهلنه " من اصداراته
وامنياتى له بالتوفيق والنجاح

الشاعر فى سطور



الاسم باسم جواد عبد ال مبارك
التميمي

الاسم الفني ابو كاطع التميمي
ولد الشاعر في قضاء سوق الشيوخ
محلة الدجين من مواليد 1973 درس
في الابتدائية والمتوسطة واخذ شهادة
الثالث متوسط ولكن ظروف الحياة
الصعبة وحبه الى عمله فلاحا
للارض حال بينه وبين اكمال دراسته
خالط وجلس في الكثير من الدواوين
من ضمن هذه الدواوين

ديوان جده الحاج قاسم ال مبارك التميمي
وديوان الحاج ابراهيم الفضيلي
وديوان الحاج سالم جابر ناهي

وديوان خلف جابر ناهي. وكان يعتبر هذه الدواوين هي الحافز
الرئيسي في بناء حياته ومنهجه في كتابة الشعر لأن هذه الدواوين
كانت فيها الحسجة والحكمة والموعظة اضافة الى تناول الشعر
تاثرت في حياته الشعرية التميمي بابيه الشاعر جواد عبد علي ال
مبارك التميمي والشعراء حواس العفريت وكاطع ال مبارك كتب من
الابو ذيه ما يقارب على 275 بيت من الابو ذيه و80 بيت من الدارمي
ومن الابو ذيه قال:

1

عجب طيرك علي بطيح ماچل
مريض او عنك انشد دوم ماچل
بسبب لني افرد ماعون ماچل
اخاف عليک حوبة زاد بيه

2

وحگ الصام وصله بلفطور
عشرتک ماي وتبده بلفطور
موش ابطور انوحك بلفطور
اوشباب اوشيب خله ادوخ بيه

3

المصايب والنوايب غفل لاچن
ابدليي اولاتظن استچن لاچن
فگدک موش کسرة ظلع لاچن
رمح رمای رایح راد بيه

4

اجت مشية حزن والعوز منگول
اوکلامه منيگوله گول منگول
علي سدد اظربة هدف منگول
الشماته اوحطهه بتسعين بيه

5

ابقلم گلبي لرسمنك وكتبك
اوتحطني املزمة حبك وكتبك
احطك دمع بعيوني وكتبك
وخلطك ماي وشربكم سويه

6

الشامت هم وصل لدار مراك
سولفلك عليه ابيوم مراك
العسل للغير وانه الضغت مراك
ليش ابيا شرع يحرم عليه

7

احذرك من سخطنه من هولنه
اوحررت ياهو العلينه ياهو لنه
انت ذاك العذبي ياهولنه
صرت شرجي وتشمت اعداي بيه

8

اريدك تتخذ رايك وحلهه
اوفوگ امن الجتف واصل وحلهه
عشرتي اطيب من تجبل وحلهه
امنشوفك ايديك تشابج اديه

9

وحگ الي عبد ربه وصله
انشد دوم عصاحب وصله
اگطع الغلب بوداده وصله
وحرگه ابنار من يبعد عليه

10

وكتي يحمس ابگلبی وگلله
ولاواحد حمل همي وگلله
چثیره بلوعد تخلف وگلله
یوافي بلوعد یذکر خویه

11

وحگ النون والكرسي ولف لام
مسلسل ماحوه قصتي ولف لام
الف عتبو عله هجرك ولف لام
ولف شامت یذب الصوچ بیه

12

حب اشكتر لحبابي لهم صار
اشما گالو اجاوبهم لهم صار
موش ابكاس شرب الهم لهم صار
ابجفاهم شاب شت العگل بیه

13

اكفيلك چنت وتگول كفاي
دمع عينك ووسط راحات كفاي
هسه اصيح شو بطلت كفاي
الك يوم اوترد ندمان اليه

14

لمحتك من طرف عيني وشفتك
او عونہ الباس وجناتك وشفتك
تك امن العگل هاييم وشفتك
او عدد دگات گلبي ازید ميه

15

مصابك بلعظم صدگ ولمني
اوريت اللحد غطاني ولمني
اعذره الي حچه اعليه ولمني
لئن مشدوه مامش فكر ليه

16

الشماته غلط تقرارك وناصح
ابسلفكم مايصح راشد وناصح
دهري اصياط يضربني وناصح
ابقه اويك وتحمل اذيه

17

وحگ الگال لاحمد سير فسرہ
وجبل هجرک افاس العشگ فسرہ
لغز عندي وريد اليوم فسرہ
امنشوفک ليش تترا عش اديه

18

ربك هيا او احضر ملك لك
وحچي اويك طگ ابطگ ملك لك
اسجل كل ما املك ملك لك
مقابل من تمر سلم عليه

19

التمر بجفاك اصبح حيل مر مر
اوصدري لسهام اعتقد مرمر
لاتعجب على الي صار مرمر
ابزمن قيس اوهذيچ العامريه

20

يدنيا ماريدچ بعد مابيچ
يروحي ماعرفت اشبيچ مابيچ
سيف انه ولي حدين مابيچ
اشما اتعب يجد الحيل بيه

21

تعاهدنه ابحجي وشهود ما كان
ما سولف حبيبي الكان ما كان
سهمك بدليل اعتقد ما كان
يظل تذكار شاهد علقضيه

22

العواذل دندنت بذنه وشتنه
يظن الدهر طشرنه وشتنه
راح النوب ماتاني وشتنه
بعد هيهات لمتنه سويه

23

مدافع صدت اعليه وهاون
لحضه الفرح مامرني وهاون
چنيره اعروشهه انزاله وهاون
اوبقئ عرش الصبر ثابت اليه

24

لحضه الفرح ما هون ولامر
ولا حنضل طعم ريحي ولامر
انه جندي ابجيشك ولامر
انت اتكون بس تامر عليه

25

امچلچل ماصحه لحضه مناخاي
ناگه اشما ثگل حملي منا خاي
مو. من غرب ردتانه مناخاي
يصيح ابصوت ذب حملك عليه

26

رهنه الروح لجله شكرهنه
اوتگلي اشبيك اكره شكرهنه
طعم شفته اوخته شكرهنه
اوسواد العين يصدع جاذبيه

27

سيفك حيل حزاني وكرباي
وابد ما فاد عمراني وكرباي
لون تنظر لعد شخصي وكرباي
سقم واهات واهوم اوذيه

28

يدنيا العطش ضامي ماتوردي
اوذبل ييس تحطب ماتوردي
طيور الحر اعاب ماتوردي
رسايل شوگ ليش اگطعو بيه

29

صخر جلمود هجرک ما کرانی
اوسیف الدهر باشط ما کرانی
اسافه تالی عمري ما کرانی
ونه الضحیت روهی ابصافی نیه

30

اشکثر سائره انه احبابی و یاریت
یده ری اشبیک شو جاسی و یاریت
تمنیت اب حلم مره ویا ریت
یردون الفضل لجلل الخویه

31

سره نعشک عجب و بساع ماتان
او خلف بدلیل ا جروح ماتان
چب دی والمشن علگاع ماتان
بسبب فرگاک گمت امشی اعلديه

32

حب اشکثر لحبابی لهم صار
اشما گالو اجاوبهم لهم صار
موش ابکاس شرب الهم لهم صار
ابجفاهم شاب شت العگل بیه

33

تعبت اسنين لجله ردت شكراه
طعم حنضل يصاحب صار شكراه
نهر الود تگلي اكریه شكراه
اوحيايه افراگهم سود اوذیه

34

عگلي ماشرك لليوم بسهام
لچن وسفه دليلي انصاب بسهام
اشفت منه حبيبي الترف بسهام
اويرويني السقم بثنين اديه

35

دعيت البلنجف ساكن ولك عون
انه اوكل شخص خصني ولك عون
الك گلب الذي يحزن ولك عون
تسيل ادموم موش ادموع هيه

36

وحگ الماگرب احد نعشه
حبك ياترف روي نعشه
ابجفاك اشلون ايامي نعشه
صفة ظلمه وسواد او عتم هيه

37

اعضاي. امن الإلم صاحن ولاجن
او بشر لاصابه امصابي ولاجن
ليالي الفرخ ما مرن ولاجن
اوليالي العسر شو كثرن عليه

38

الصاحب ماحزن لجلي ولاحن
وسهام الهجر صابني ولاحن
كلي اشوكت نتلاگه ولاحن
وكتنه البيه نتعانگ سويه

39

اجادل دوم للعدله ولاسن
اودھري ابد ما حدلي ولاسن
الجوز امکوم ابحضنه ولاسن
عنده ايگول عندي اسنون ميه

40

بعدکم روجي عثمانه وکتما
اوسرکم اب ماشيعه وکتما
حدر اللحد ونساکم وکتما
منکر وي نکير ايلوم بيه

41

صفيت انه ابترگ هدمي ويلداي
او عشرتي اشلون شيفضهه ويلداي
كلامي اوياه ما فايد ويلداي
راح اركوڤ لليضحك عليه

42

العگل وياه مدوهن معاشاة
اوناس العاشرة باطل معاشاة
شفت الذيب شو يمشي معاشاة
اوتگله الشاة هاک اثنين اديه

43

عمود انه وظل رافع برايک
وصيرن هوئ وتنفسه برايک
اظل چندوب بس امشي برايک
وريد انشوف نصفه ابيا نويه

44

المصايب عقد لعقدچن وملچن
مثال الاب صرت الچن وملچن
دریت ابشنهي غایتچن وملچن
اطيح ابضيچ وضحکن عليه

45

المصايب گامن ايعقدن يملچن
وضعون العوز شو نوخ يملچن
كتمرن وبدهن حره يملچن
شعته اوشياب نشطه اتلوچ بيه

46

شربين من دموع العين ينهار
الگوایم ارگدن والحیل ينهار
اونن في سواد الليل ينهار
آما تطلع عسى تفرج عليه

47

تعال اوبلمنام اويآك بيطار
اخذ مني الاداه العگل بيطار
لون تنظر دليلي اشوف بيطار
الاعمى المايوچد طاف بيه

48

النواظر راح سلوتچن وملچن
ادوف الزاد بدموعي وملچن
اهمومي ابد ماجزع وملچن
لما اطب النجف جناز بيه

49

اظل رافع علم شعري منصه
الكاتب دوم يتقيم منصه
الشاعر مو شرط يصعد منصه
طفل بسوگ يحجي ابلا هويه

50

قسم من العگل شارد قسم تاه
الظهر بجفاك فصمته قسم تاه
صح المثل كل واحد قسم تاه
منيتي اوقسمتي نگعد سويه

51

انشن اه بفراگک ونشده
ادور واسئل العارف ونشده
اسمک لحن بگليبي ونشده
عليل اصبحت مامش طيبه ليه

52

جرح بچلاي شو خليت والفين
يدهري اشهل المهاره بيك والفين
اشوف الناس كلمن والف والفين
اوصفيت ابلا ولف ينشد عليه

53

وحگ البلعرش اسمه وجاهه
افراگك ورث ابروحي وجاهه
مرهه العظيم يامجفي وجاهه
العسر والضيج والمحنه سويه

54

چفي چم جرح خيط ولكرف
ولك مسند وسط روحي ولكرف
رفيف الطير گلبناني. ولكرف
اويطشر اظلوع من تجبل عليه

55

الكلب عطشان كلش ورده بيدك
وصيرن لجل عينك ورده بيدك
لون تصعب عليه ورده بيدك
اثلت بوساة موش ابندقه

56

لزمة الكلب بيدي مرديته
بسبب شخصك هجرني مرديته
گمة مافرزن الزينه مرديته
اسحبت اذني گلت تايب للمنيه

57

دولاب الوكت يفتر من يونه
الشماته من لفته من يونه
ونين احنه النونه من يونه
اولظمنه صار كل صبح اومسيه

58

ورده وابغصن ازهي ومحلاي
فجئه واصبخة كاعي ومحلاي
الضحكه الوكت جزاهه ومحلاي
اليسر والعيد والفرحه سويه

59

مو نهبور كامة تطك عبراة
وانه الصرة للتاريخ عبراة
على الصاحب اجرا اه عبراة
اوكل ثغبه دويهه ايدور بيه

60

انشد عن خبر حالي وصلكم
اظل لدوم ما اكطع وصلكم
لون تجمع وصل كلبى وصلكم
يصيرن كلب واحد للمنيه

61

وصيه ارد اوصيكم صاميت
الدنيا اجفوف لمتها وصاميت
ابد مادرة الشخصي وصاميت
دعيت انه الكريم اوحن عليه

62

يدنيا جمعي بهمومج ولمي
ولا طالب قره درسج ولمي
اضحي الروح للوالد ولمي
اضحي الروح والمهجه سويه

63

احب انه صديجي ابد ماخان
كلامه مثل عزف الناي ماخان
اسلاح ايصير وكنت الضيغ ماخان
فشگ كرخان يرمي ايجيس ميه

64

وحگ النازل امن الله وحي بيه
رجعت الليل ما نامه وحي بيه
صديج الي اودنه وحي بيه
ابسواد الليل حط طعناة بيه

65

يدنيا فزعي شماتي وحشماي
صديجي الچان كل بلبل وحشماي
هايم منجلي بيدي وحشماي
ابنود امن الهوى سریت اليه

66

الصديج الوفي لازاغال ولاخان
مثل اسلاح ومصفر ولاخان
ليالي اجفاه راكني ولاخان
اعظاي اوكل ظلع موجود بيه

67

وحگ اعلى الولايه الاحد ولاه
الفرح ماعاد مني بيوم ولاه
النعم دوم ابلساني اعتقد ولاه
صعبه اتصير چن چانون بيه

68

جروحي هودن اوناامن بلمچن
اوطلع معيوب ومكلفة بلمچن
ونين الي توننه بلمچن
لما احس النفس مگطوع بيه

69

جواب الوكت كله ابزمخ ويلاه
اوگظاه اويائي حر ابعر ويلاه
منيتي افرح وسمع طور ويلاه
ابحضور ارياض وهل الظابطيه

70

الذنيا ابعين غيري حالينه
بخس وانگس يصاحب حالينه
الشامت من وصلنه حالينه
خله ابل كتر چيلاء بيه

71

جروحي في عساس الليل هاجن
يصاحب والعگل براس هاجن
ظعون العوز يمي اوتسل هاجن
اوگدتهن گود من بابك اليه

72

صديج ماگصدت الدار عناي
الشماته اتمرگصت بجفاك عناي
غنو والغنه مخصوص عناي
اوفرخ دگو تنك عصار بيه

73

الوقت وياي ما منصف بسعراك
الذهب والماس ما ساون بسعراك
يصاحب دوم تجوه بسعراك
انه الجانون ورث من اديه

74

جروحي يا صديجي اويك لماه
وحن اعليك حن الطفل لماه
تريد انساك صار ايجوز لماه
اشوفن بلحد حفار اليه

75

تهدم من لطيم الروج چالاه
ابعدل مخروز وكتي الضيم چالاه
مريض او ما اجيت اشبيك چالاه
رجاء آ لاتمر انوب بيه

76

لاحي الفزع لندي لاميت
الدوارس من ونيني اعتقد لاميت
اصبر والصبر چندوب لاميت
اجيب امنين صبر ايوب اليه

77

تولاني زمانى ابسحل وبيار
اوبالك لاتنمن بخو وبيار
احفرو جلبان وسط الدرب وبيار
اقل واحد عمق مترين ليه

78

يدگ اصياط وكتي ارفاع وتمان
حيل اوزورگالي الجلد وتمان
اليخلصني اهلله الروح وامتان
لئن دگات ومتي اوجرت بيه

79

وحگ الي ابحر مسجون يونس
كلامك يا صديجي دوم يونس
الشميت بلحال گلي بقه يونس
مرامه انصير كل منه ابنويه

80

تغالي حكيم العئل يسراي
ابجفاك الداى وسط احشاي يسراي
چنت بيه صديجي افياي يسراي
اويميني اشكتر شگفتك اذيه

81

شوكت تشفه تبطل نرف يطار
عجب وكتي عليه ابزن يطار
اشكتر مشتاك اشوفك حيل يطار
ابكتر مامر مطر بناصريه

82

في يوم وفاة والد صديقي كرار الخزعلي
يصاحب ابد لاتطرق بهاماك
اوشريچ اويك وبكلهن بهاماك
لاتحزن على الدنيا بهاماك
ابوي اوامي دافنهم سويه

83

تراني دارى ابحبكم وعارف
ولادكتور طيبني وعارف
دواي اسمع شعر حافظ وعارف
وابن موزان واهل الظابطيه

84

المصاييب والعلل والضيم حاطن
عليه او من زنتهن صحت حاطن
طيور البسمه والصاف حاطن
طيرك ليش ماوچر عليه

85

انه الي عيوني اشبة وربيت
انه الي سهرة الليال وربيت
سمعة امهامس اويحجون وربيت
اخوي الغام وز مرته عليه

86

تجد لذه ابثمرنه وابنوانه
صديجي الغال عونك وابنوانه
اجيك اركظ امحزم وبنوانه
جزه سابع شهر مامر عليه

87

وحگ الي تمسك ناس بهداه
احسن آلم بدلال بهداه
يربي من اطيحن كون بهداه
ابرخاوة گاع موصلبه اوقويه

88

اطب للبيت وانشد مايودي
عجب شخصه رسايل مايودي
انه العطشان منه مايودي
لچن يا ماي يروي الضمى بيه

89

عليك اودم دمع عيني تجاره
اسف وبعين ثق صلفه تجاره
زمانى اوفتح ابيتي تجاره
علل يا نوع موجوده اوديه

90

بير الحب عذب يا صاح مو ماي
ارتوة روي ادمع عيناى مو ماي
جفيت او من جفيت الجسد موماى
ابهرم مدفون ريح احنوط بيه

91

جمالک فاق حور الارض والعين
حبيبي وناس وهلي اشكتر ولعين
ابغيا بك راح شوف الغلب والعين
واحس بادي ديبب الدوود بيه

92

انت الي عليت الفوك مناش
انت الماتطنطن ابد مناش
حسبة احساب وزنك طلع مناش
ذهب ذخروك اهلك للخويه

93

ابد ماخاب من صاحب ومنشار
وسلم من عدو حاقد ومنشار
طبع الورد وي ربعي ومنشار
اگص اخشوم شماتي بديه

94

علامچ شو نسيتي اشبيچ وي ذیچ
ليالي البیه احطیچ هاي وي ذیچ
يروحي ارد انعطیچ حیل وي ذیچ
معسرہ ولاشوف امخاض اليه

95

الرغبه ماته ابجسمي وملحاي
الزاد الكلته بي شاره وملحاي
حبيبي انت وطر بحرك وملحاي
وفه واخلاص مني اوهم حميه

96

وحگ الگال الک دینک ولي دين
حظوري هم الي واجب ولي دين
اذا احس الجسد متعب ولي دين
اجیک ازخوف لآخر نفس بيه

97

جفة ايام المعربات ويلن
موش ابويل وكتي علي ويلن
اظن كلب الشماته يرق ويلن
حبيبي اولارمش جفك عليه

98

عصف واعصار صابني ولمصار
ابدليلي بس حزن احوي ولمصار
ابحث في ارض قفره ولمصار
شريج اويي بلونه سويه

99

عليك الروح تالي الليل ونت
اوراسلتك على النقال ونت
يصاحب ما اجيت ابساع ونت
اجدامك اوما لحكة الظال بيه

100

عليه ابحد دك نايه يموصل
سم اسود حلك داعش يموصل
اسافه اتروح من عدنه يموصل
او علي اتردك نثايه الناصريه

101

هذا البيت بوفاة الشاعر المرحوم حسن ضيغم
مثل لوح اوجا الفلاح عمره
كليبي اولاوصل خمسين عمره
ثلث مرات اروح ازخوف عمره
لون يرجع حسن هاي المسيه

102

ابنفاس امي لعد الصبر لابس
فرح وكتي ابد ما دام لابس
يناشدني الشمت بلحال لابس
لچن موخوف لاچن طبع بيه

103

صرة لگمه ابوصط نبيان لاچت
يسيل الدمع عل محبوب لاچت
احمدت ربي اوصمت شهرين لاچت
المصبيه اردود تجدد عليه

104

الطير اشما عله وابعد ورمساك
اوكل صايم لون يفطر ورمساك
يولفي من الزمنك ورمساك
ابنهر شوگي اوترد تنتگ عليه

105

يحاسبني زماتي فقد بلكاش
صديجي اوچن احس العگل بلكاش
الگلب بجفاك موش انعصر بلكاش
اودوب الدوب تلگه نبض بيه

106

لارك الجفن بجفاك لاباد
عشگ موجود وسط الروح لاباد
حبيبي اشما رحة مرخوص لاباد
ترد وتگول نزعة شوگ بيه

107

حبيبي العگل ظل هايم وشتني
اوبعد شتتمل اورجه وشتني
الشماته وصلة الحيكم وشتني
اوجنابك سمع حط طعنات بيه

108

يصاحب همي مو كيلو تراطن
اوجرس هجرك ترس بذني تراطن
سمعة العسر يم بيتي تراطن
يگل للضيح هذا البيت اليه

109

عطر جوري دشم خدي ترافول
اوموش اسهام راماني ترافول
الشامت والضغط صاعد ترافول
يبوسة ريح يذبة نفس بيه

110

انشدك عن ولع كلبك لمن كان
حبيبي اسرار لاتحجي لمن كان
عشرتي اويك مو هسه لمن كان
صريفه البيت واملك چودليه

111

مو بسة حزن بروح بستان
غصن هجرك صبح يفلان بستان
اصيح عليك هود ترد بستان
عمر شايب يهل صبيان بيه

112

همي ابكد ضعن لوشال وبلاه
اويلم وكتي عليه ابناار وبلاه
عگبني اچان ياهل عگل وبلاه
واحس ابحكمت البهلول بيه

113

تعال اوفوت بدلال وذراع
الك حبل الموده امتار وذراع
اذا اثمر زهه المحصول. وذراع
ملك اخذه حبيبي التبن ليه

114

آنه طير الصحاري العله كلباز
وانه الي كلامي ايجيس كلباز
ابغياك يا صديجي اصبحت كلباز
ابصحن اجواد سولف طرف بيه

115

الك ياه ابدلي ياه منياه
او عليك الروح صرخة ياه منياه
حبيبي الروح عده فرد منياه
اجلبك بين ذرعاني واديه

116

زمانني اوياه متوهدين شمريار
ونا المايوم شخص انه شمريار
ياري. إمن الغفه يذبح شمريار
عراگ احسين هيچ ليصير بيه

117

حالي شيب الرضعان ويهال
حبيبي اومانشف مبچاي ويهال
ايتزلوالي بلحد مدفون ويهال
اتراب اولنك الدفان بيه

118

الرجل من يفكد اعزازه يبيچ حيل
الوكت ماصاحب الخامل يبيچ حيل
لزميني او من زغر سني يبيچ حيل
ابگفای اوچن فتح سرياف بيه

119

ابدليلي مهجه موجوده وجدلاه
واتعب دوم للصاحب وجدلاه
اعاشر ذو حسب طيب وجدلاه
كريم او ابي خالي امنرديه

120

وحگ البطفوف الشمر يرداه
گلبي العوز کلش حيل يرداه
نحیل اومايصحلي سمل يرداه
امنموتن عود دبرو الجفن ليه

121

تمنية الخلق نصهه وفايه
اورمس گلبي ابنهر خلي وفايه
ابعسر عمري خلص فايه وفايه
كان دعلج نفض ريشه عليه

122

الك ارحص دمع عيناى وهله
والف اهلن يزايير بيك وهله
الك ترحيب من السوگ وهله
لئن مشاي وتواسي الزچيه

123

ما سلهم جفن عيني ولانام
ولاورد هرش گلبي ولانام
صديجي ابد ما زاغل ولانام
ولا مره تهم بخته ابرديه

124

بلادي وإن جارة عليا عزيزتاً
قومي وإن شحو عليا كرام
الاجانب ابد ماوده ولهلي
ولع موجود بگليبي ولهلي
اضحي الروح لبلادي ولهلي
وأن جارة وإن شحة عليه

125

احبابي مايمر زاجل يمرحوم
عليه والغلب ينفخ يمرحوم
هلي كتبو فرد قطعه يمرحوم
بلحد گبري صفن شبرين ليه

126

وحگ الي ابغموسه اليتم فطر
الگلب بجفاك يامحبيب فطر
صرت مثل انصلب بصيف فطر
اكل مني بگايه الراس بيه

127

حبيبي بس لفاني السقم منك
او ما يصفه وجيه بعد منك
گبل مناه هسه اتفوت منك
او بعد منك عود اتمر عليه

128

راح الچان الي ابدني اي منو اي
رحل عني اوسكن بديار منو اي
الگلب محد فرعله ليش منو اي
عدئ الشامت يصفگ هاي هيه

129

اچفوفي ورموش اعليك يومين
اليشيل اهموم لومنين يومين
حبيبي الي يسافر يوم يومين
ابعمر يعگوب هيچ افراگ بيه

130

الشامت من بعد هلل ويهناه
ابي تي اوياکتر بعدک ويهناه
ابحضن امه الطفل يضحک ويهناه
حضنتک وشملاذ العيش بيه

131

غيا بك رضلي اعظامي وشتني
اوبعد شتتمل ابوكتي وشتني
الرفاگه المنى اوبيه وشتني
بعدك يا حبيبي اشلون بيه

132

تزومل شامتي يا صاح فرعين
المصايب چانة احديثات فرعين
يلاهي العوز بيه علي فرعين
حماده اوخضر العاگول بيه

133

المصايب منهن الذابن ولتفتلي
دليلي والشماته افعى ولتفتلي
يلاهي دير عينك ولتفتلي
عليل امشور العباس بيه

134

لاريض جدمه الروح لاون
مسرع مادريته وين لاون
مصايب وي همومي غفل لاون
چفوفي او ثبتن عمدان بيه

135

يريل الناظر ك بدرب وچله
ولي طير ابشواطي العشك وچله
الي ضحكه ابزمان الفات وچله
ولي ياه من سابج خويه

136

بعت لاجن بگه ابيتي يردلاي
الصديجي اچان بهوموي يردلاي
يلاهي ارد انشدنك يردلاي
او علي حبة ملح غزرة بيه

137

دوب الدوب اير الجدم وادري
الصاحب ما اعوفه ابضيغ ودري
اعرف انه الجره بلحال ودري
يشامت ليش تتمهطن عليه

138

يشامت هتمهطن ليش وياي
شغلتنك بس كلام الراح وياي
حفظة الدرس من الالف و ياي
حرام اتگول مسلم بلهويه

139

وحگ الماشرب بارد ولمعين
انيا به الوكت كشرهن ولمعين
الى من ناصرآ ربعي ولمعين
ولا من صاح ذب حملك عليه

140

انشد عن قضيتي ابهمس منحال
ولاصاحب يشد اشكال منحال
اتلف من شجيت الحال منحال
عنود اولاظل اصفج بديه

141

الوكت كلساع لفني وابرمني
جفوني الجنة اودهم وابرمني
جنة خيط الجرحهم وابرمني
انبعة بول مزاد انصاح بيه

142

تنائيره الوكت خلي شيرهه
الك حسرة كقطع كلي شيرهه
الوادم زرعة اوخضر شيرهه
اومطر ربك فلا سلم عليه

143

وحيد اولامحب مرني يربلاي
اوشبيهه علتني ابساري يربلاي
حوبه اوشاره من جدي يربلاي
تبين بلگطع وصله عليه

144

الفرح ماگرب اشفافي ومسسه
ودور عل يصابحه ومسسه
تساوه اليوم وي باچر ومسسه
الى من راي يهل الشعر ليه

145

اصياحي ابد ماينفع بلاماي
اوگضيت العمر بحزاني بلاماي
الورده تذبل اتيبس بلاماي
ونه ورده اوشحيح الماي بيه

146

العمر ماهمني الباقي ولفاني
الوكت قصه كتبني ولفاني
الفرح غرب مع الضحكه ولفاني
العسر والضيج والدمعه سويه

147

اعله رسلك لاتظن امشي ورسلاي
حبيبي اوصلك مكتوبي ورسلاي
طبع نخله تجد تمرى ورسلاي
الحشف والشيص موش اولام اليه

148

اشرايك بلطحن صبره ويلهام
اوتعدئ حزنه لمتونه ويلهام
يصاحب ربك اليطي ويلهام
الصبر والفرج مطلعهن سويه

149

سهمك للكلب حدر وجافيت
صديجي وابد ماخنتك وجافيت
لمن يبسة ينابيعي وجافيت
انكروني الجنة اساجيهم بديه

150

من مثلي زمانه حيل بچاه
اولزم هيم الهظم بحشاه بچاه
اشحلاته الشعر من ينكتب بچاه
اللعد ماشوف بيها املوحه ليه

151

العمر محلاه كون الفرح بيدام
زادي من كليته الدمع بيدام
تلمست الظهر يا حيف بيدام
صديجي او كثر الطعنة بيه

152

تؤنس شامتي ابوني ويلهه
اوبيده اهمومي طاحنه ويلهه
يرد ساعه يجلبهه ويلهه
لما حسيت مامش ظال بيه

153

حبكم سكن دلالي ولهدام
واظل ابني امحبتكم ولهدام
الصداكه ستر لصاحب ولهدام
تظل اوياه حد حتف المنيه

154

ارفگ وي صديجي دروب وطرش
ولاجادل وفك الفاه وطرش
وطر خلص معاه اشلون وطرش
گضيته ابطيب ماذبني ابهبيه

155

يفج الضيم بطل بعد شتلوچ
يروحي وبصحاري الربع شتلوچ
تلوچ ومن تلوچ اشلون شتلوچ
ابنغم ناي اوربابة حزن بيه

156

اسافه المستوي ياصاح ردني
اوگصرة ماتمش الدمع ردني
يملج الموت با الله ارجوك ردني
لعلي اعمل عمل ويفيد بيه

157

في يوم وفاة ابنة صديقي سيد محمد
اشوفك متعب اوركة بنيتك
تظل صاحب كلب طيب بنيتك
اسافه اتروح من عندك بنيتك
الصبر مفتاح يرههم للقضية

158

من مثلي ابوداده الكلب وداه
حبيبي ابيا زويه الوكت وداه
احبه من حچينه اباه وداه
و ثر عظة. سنه ابذني اديه

159

فج المايلوچ التين شبلاچ
يروحي واشجنيتي الوكت شبلاچ
غضه چانون حدر الظلع شبلاچ
سابع يار يشتم حرگ بيه

160

اشبلايه الروح بصحابي وشده
وسري ابنود بچفوفي وشده
الكفه والصعب عندي وشده
الكاره ابيا ذنب ظلت رميه

واليكم احبتي هذه الابيات التي كتبة حسب الحروف الهجائية
المتسلسلة في الجناس بتغيير الحرف الثاني بعده حرف الواو فقط

حرف الالف

161

ابلحد ضيگ اسافه الوكت واراك
حسن ضيغم اشمك ورد واراك
صحة من شالو التابوت واراك
الك رده حسن لو هاي هيه

حرف الباء

162

الك ياما اداري اسنين وبراك
نحيل او ماجر الجدم وبراك
يصاحب جيب خيطك عجل وبراك
تخيظ كل جرح مكلف عليه

حرف التاء

163

عجبنني ومن عجبنني نغم وتراك
ابنعومه لوسحگ الروح وتراك
تظن اجزع وعوف اهوأك وتراك
او محمد ما اعوفك للمنيه

حرف الثاء

164

جمالك من عجبني موش وثرأك
اثر جدمك اشمه ابشغف. وثرأك
احبك للاسف يا حيف وثرأك
تحب غيري او كضيت الوكت بيه

حرف الجيم

165

الوكت معلن حرابه اويأك وجراك
اوبطل من ونينك بعد وجراك
العوض با الله يصاحب گوم وجراك
الاه الكون ثمن كل قضيه

حرف الحاء

166

حملة اسنين بردك عمر وحرأك
لطيف او ما هو مش ابد وحرأك
اسافه الشوف مني يچل وحرأك
طلبت العون منك هاك اديه

حرف الخاء

167

الوكت ندمه يبعدك هيچ وخرأك
عني اوچنة اودن شوف وخرأك
انت اول حسافه اشلون وخرأك
اوتسلسل رقمك امسجلين ميه

حرف الدال

168

الصديج الزين اعرفه عدل ودراك
اسافه الوكت يا محبوب ودراك
رك او من ترك ابلطف ودراك
المحنة والعطف طبگن عليه

حرف الذال

169

افيايك أمن المطلوب وذراك
اسافه ليش سيف اعداك وذراك
صديجي انوب بلمرواح وذراك
الطبگ فرحان يال اعزاز ليه

حرف الراء

170

الشامت سولفالك علي وراك
حچالك عسحگ بروح وراك
يصاحب من عليه ابعدت وراك
العاذل والاخو طبگو سوي

حرف الزای

171

الناظر موش منظر بشر وزراك
تمعن من يشد الورك وزراك
حبیبی ماتفك الزیج وزراك
اوخلي اشما يصير ايصير بیه

حرف السين

172

اجیبلك فرح لدوم وسراك
وظل حافظ لعد العهد وسراك
ابد ماخل حبیبی اویاك وسراك
احس لذه المعیشه اویاك الیه

حرف الشين

173

امناصف بلهموم اويآك وشراك
مبرد چي تحبني ابسنع وشراك
تظن اخلص محبتك شبيج واشراك
اذن مامش خلاص اوهاي هيه

حرف الصاد

174

يصاحب ماتوصي الفكر وصرآك
عنود اوبس عجبني البيك وصرآك
اظمك في سويده الغلب وصرآك
مثل صرة عجوز الواهليه

حرف الضاد

175

تبدل نور وجهك ليش وضرآك
الوكت صاباك بلعينين وضرآك
امحبتك ما اشوفن اثم وضرآك
مدام اكلوبنه يهون سويه

حرف الطاء

176

اذكر في مجالس دوم وطراك
احن وشتاك نعمة حزن وطراك
صديجي من كظيته ابطيب وطراك
واظل مشتاك حنة طفل بيه

حرف الظاء

177

امنشباك هيچ چني اشتعل وظراك
امحبه اولاتظن ابنار وظراك
الگمر منك حبيبي انخسف وظراك
الگمر خجلان ياخذلك تحيه

حرف العين

178

افزع لليودني ابجل وعراك
دربك من مشيته صعب وعراك
شنهي الصار مني اوصرت وعراك
ونه امصاحب جنابك للمنيه

حرف النين

179

شمال اوچنة اشمن عذب وغراك
اوياهو الطمعاك امال وغراك
حبيبي امنن اوماخاف وغراك
شجاك اوهيچ تگطع گطع بيه

حرف الفاء

180

ياهو الدار شخصك عجب وفراك
خليلي اوچنة اجرن اه وفراك
بديه او من احسن برد وفراك
اوملدة عيش هيچ العشگ بيه

حرف القاف

181

سر انت امهجتي او عيب وقراك
واظل امدح محبتك دوم وقراك
حبيبي اوعارف اشما بيك وقراك
ابنصرة عين تزرع شوگ بيه

حرف الكاف

182

ياهو الي تجاسه ابيس وكراك
صديجي اوما يطب الصغر وكراك
مساحي اوهم كهن ثنن وكراك
شفتك هيچ زاد الفرخ بيه

حرف اللام

183

انفتن كلمن سمع محچاك ولراك
يصاحب ليش هذا البذخ ولراك
ماهمني السحگ بچلاي ولراك
صديجي اوگام ذب الصوچ بيه

حرف النون

184

ابلقائك ودنه كل مصباح ونراك
ماهمنه الجدم والحيل ونراك
جنه للشمت ملگاك ونراك
اسافه اصير حصتنه الاذيه

حرف الهاء

185

تساوه ماي گيشك عجب وهراك
زمانك حيل اثر بيك وهراك
اصيحن اه ثم اه وهراك
حالك يلزرعة الشوگ بيه

حرف الواو

186

كلامي اويك ما اخفيه ووراك
امفصل هل جسد بزود ووراك
اسافه ابلحد شو دفنوك ووراك
حبيبي اوحيد بس اصفج بديه

حرف الياء

187

شخصي من يشوفك عيد ويراك
ولون تبعد حبيبي ابتعب ويراك
امناصف بلونين اويك ويراك
اولگمة عيش نجسمه سويه

189

جسد هروح افصله اخماس وثمان
وقيم كل شعر مملوح وثمان
جمعة احروف بلعشرين وثمان
الشعر مطروق بس الفكره ليه

190

سر الذهب وجناتك سرالليل
اوگظيت امناطرك خلص سر الليل
فتت من صاح محبوبي سر الليل
نسيته اوخط مشط فشغات بيه

191

هذا البيت كتبت به بحق الاستاذ رعد الماجدي
لون اتغيب تتغير معلمي
استاذي اوبيك اشرف معلمي
عشرة زاد عاشرتك معلمي
اومحنة يوسف اليعكوب بيه

192

صديجي راقه احوالي ويامي
اومثل الزرع ومناظر ويا ماي
لون ابصيف فز چفك ويامي
اجيب الماي من عيني اعلى اديه

193

هذا البيت كتبته على صديقي المرحوم ملة مهدي الجابري
اثناء حياته

عليه اشروطه ادرجهن وملة
اوشخصه لاتظن اجزع وملة
مهدي شاعر اوطيب وملة
ولافد يوم ماينشد عليه

194

هذا البيت كتبته على الصديق والجار الطيب احمد ذياب
الحجامي

كلامه بلغلب ساري وجاري
احمد خوش الي صاحب وجاري
عشرتي اوياه كل مشتل وجاري
تظل تزهي لما اشوف المنيه

195

ابجل شوگك جنابي هطريته
ونه الكاتم عشگنه هطريته
الك كوسر حبيبي هطريته
اظلوعي اشباب وگليبي التجيه

196

انكسر سوگ الموده حيف بسام
موش ابخيط شل الجرح بسام
حملة الكاس من الزغر بسام
جرعته اولاكلت عصار بيه

197

احبابي مرض ياورني ويرداي
وابد مافاد تزبيرى ويرداي
القميص انقد فرد مره ويرداي
سترني اولازليخه اصيح بيه

198

تبدل لون البگلبى وجازي
بسبب فضلك عبر شطنه وجازي
صديجي ابيش اسدلك وجازي
النواظر راح اوديهن هديه

199

طبيبي اجروحي مو هنه لهنه
البحي والنوح عراحو. لهنه
يملج الموت تاخذني لهنه
بعد ماشوف راحه اتصير اليه

200

وحگ الفصل العالم ولنساب
عرفتك خوش الي صاحب ولنساب
ابعشرتک لاتظن اجفي ولنساب
ولا اختل معاك ابكل قضيه

201

وحگ الصام والجهاد وصله
اگطع الغلب بوداده وصله
ابنهار ابلیل للصاحب وصله
وضحي الروح لليسوه الخويه

202

ليالي اجفاك هجرك منسودهه
اوليالي الفرح بعدك منسودهه
الك مشيه اودي منسودهه
بيت املشعر مملوح اليه
هاك الغلب والروح والامشي بيهن
بس لاتظل زعلان مااحاجه ليهن

203

وحگ الشبجت العشره ورمله
بحبيبي گليبي متعذب ورمله
عليه اترابه ايذري ورمله
مجعت ماي ماصحت اليه

204

وحگ كلمن اله شاره ولهجاه
اسافه الدرر مقريته ولهجاه
لبوي الموت اتعنه ولهجاه
ابوكت معتاز چلما بويه ليه

205

يهل تمشي ابارض الله وتسعه
اجروح الغلب شو زادت وتسعه
عددن خمسه اوسته وتسعه
اذا حان المشيب اشلون بيه

206

درب الخير كل واحد يدله
الصديق اويلصديق اصبح يدله
اعجزت يسراي من شيلج يدله
عرفت الاثنان بان الخلل بيه

207

ابسبحتي الخيره اجر نهه ويتني
اوشكر لحاب واصلتني ويتني
صرت فلاح ومناظر ويتني
ثمن بذرات زارعهن بديه

208

اشكتر شدات للصاحب تره فال
اوكتي اشاچ بضلوعي تره فال
اليبيع الصبح يستريح تره فال
اطلعت خسران فاله عم عليه

209

يعوز ارماحك انبالك شكتباي
الدمع خلص بعد مامش شكتباي
شگولن عن وضع حالي شكتباي
بعد ماشوف چاره اصير اليه

210

هذا البيت كتبه لتجمع ابو معيشي لوقفتههم المشرفة بمرضي
چثيره اوجوه جافتي ودارة
اوقليله احباب بارتني ودارة
شكر موصول بس الهم ودارة
ابو معيشي التجمع بلبوذيه

211

كتبت هذا البيت لاصدقائي واخواني الشعراء في منتدى
فيض المشاعر ووقفته المشرقة بنيام مرضي

وحگ الخالق المصحف ويادين
فظلكم تاج عل هامه ويادين
نون حيل الغبل بيه ويادين
اودي الكل شخص منكم تحيه

212

وحگ الخالق المصحف ولبهام
امصايب خط قلم وكتي ولبهام
بصمة ابخنصر اوبنصر ولبهام
غصب موش ابرضاتي الصار بيه

213

ابصحاري الشوگ اريد اعترض ونهه
يحادي النوگ بالله اعليك ونهه
دریت الروح موش افرح ونهه
البحزن ومنغصات العیش بيه

214

مثل ودك قليله اجروح وديت
علاقه اويك ذبة جرش وديت
اشمالك ياجرح فزيت وديت
افضحتني ولاسترت الظال بيه

215

رمق بروح منه الهوى وشل
اوخيظك مايفيد الجرح وشل
الرحيل اوجب عن الخلان وشل
لعد اديار وحشه اوهم خليه

216

كبر وبظيم كد الجبل تلاچ
ثلاثه اشصوص روعي الوكت تلاچ
شفت جوزه ابهلگ دردان تلاچ
امنلوچ التين يطفر ضرس بيه

217

وحگ الگال حظ العمل ماله
سرہ سهمہ لعد الروح ماله
امس والگوم گالو دوه ماله
مرمر والهموم اولام اليه

218

مرمر والهموم اولام مومال
عمل صالح لعد الله مو مال
سرہ سهمہ امساره عدل مومال
ولاواحد درع لصار ليه
لاصد سهم لاصاح لادرعه اطاء
هوه الهوى للروح اه اعله ملكاه

219

صديجي اويائي ماظن يوم خلّيت
فزعتك تاج فوگ الهام خلّيت
چذب من گال هاي الارض خلّيت
من الطيبين والعدم حميه

220

توانه ظيم وكتي مرتوانه
اوشحيح اماي كاسه مرتوانه
تحميلنه اوصبرنه. مرتوانه
امگابل عل المصايب لطش بيه

221

مطيع اوكل امر منهم لبّلهم
او عشت بحزان كل عمري لبّلهم
اجيب الماي والحادي لبّلهم
وذا بطيف ظرب اصياط بيه

222

ادور عل يكت الشور كتراي
الدمع لو سال من الجفن كتراي
يوكتي امن الونين انهدم كتراي
او كتر تجوه الرماح انتجت بيه

223

فرهه ايامنه الراحة ونلهه
تظن يبطي جدم ليه ونلهه
المصايب ليه متحزم ونلهه
معس بلفال ساعه اتركش بيه

224

يدنيا افالتج صوبي ورکشاي
ابدليلي اورك عگل بيه ورکشاي
اعوفن كل شخص گلي ورکشاي
لون ابيوم صاير مهد بيه

225

اسد بلغاب صاحولي يبزون
حچيهم موش الي امسامر يبزون
ابدليلي ابخير ماعوني يبزون
الجره اليوسف يصاحب صار بيه

226

يدگ بي زماني دوگ مندوگ
ابحصار العوز اكلنه دوگ مندوگ
فرق بين اليوافي دوگ مندوگ
الكهف واهل الكهف صارو قضيه

227

اشبجالي بروحي يا صاحب بجلهم
اليه اصحاب اقدسهم بجلهم
يلاهي ارجوك لاتسرع بجلهم
الجره ال داخل يصير النوب بيه

228

الوكت همه وسط غلبي وياداي
ابحل جنب ربط رجلي وياداي
اتبرد من وگع شخصي وياداي
شلل مايرهم التجبير بيه

229

وحگ الرسل والفرقان وحيه
ارحب بسئل عل الحال وحيه
يلاهي من اموتن يوم وحيه
وشوفن من لطم واحزن عليه

230

الوكت سولف عن المخفي وسرني
اولزمني اوحيل چتفني وسرني
كلامك حيل فرحني وسرني
صديجي اولاتضل اوجاع بيه

231

يطر الفجر خيط اقبال بلبال
كل ضني العگل مشدوه بلبال
يشيلوني هلي للجاي بلبال
اسولف واختنگ وصفج بديه

232

ناي الوکت يعزف ليکمانه
تهت چم يوم علتی ليکمانه
يملچ الموت تجبل ليکمانه
اخذه لا امد حبل المنيه

233

صديجي اورد الج متني لمتنه
يوکتی اشبيک عزيزه لمتنه
عساهه ابخير وفرحه لمتنه
اويحفظ كل شخص منهم اليه

234

بداية خير ومحبه بدينه
صديجي اوچنت احط ايدي بدينه
افراش المرض طالبني بدينه
تظن بلموت هم يلطم عليه

235

شخزن من دموع العين شكني
يلاهي ارجوك رب العرش شكني
الوقت برماح وسط الظهر شكني
واحس منهن ثلاثه ارداف بيه

236

صديجي الجان الي مرود بسلهه
تراهي النخله اتحامي بسلهه
علي واجب صبح ربعي بسلهه
قسم حصه المراح اوقسم ليه

237

يوكتي ماخلص لعبك ولهواك
ابد مامستلذ مايك ولهواك
اظل للموت لاريدك ولهواك
عيشه بلغصب تراد هيه

238

ونين الي اونه ابليل ونحاك
صخر جلمود ما انتلم ونحاك
يصاحب ما اصير خويط ونحاك
صلب براس خيط اخبال بيه

239

اريد الفرح ياوكتي مردهم
الي صدگان ماوصلو مردهم
عسئ يذبل مع ربعه مردهم
ولامرض الغطع يندار بيه

240

البلم معيوب يا صاحب شطر بيه
اونيني يم شخص فايخ شطر بيه
قریت اکتاب حظاني شطر بيه
تظل اوحید حد حتف المنیه

241

مگطع ضام للعازه وحفنه
وکتنه ابغدر طبانه وحفنه
لحگنه اعله الذي البسه وحفنه
اعض اصبع ندم عصار بيه

242

وکت مرعب اجانه خلسانه
اعله غفلله اولن يهامه خلسانه
على اللساني ابتمعن خلسانه
طعم رمان احس اوخدر بيه

243

يلاهي بس الك هليوم شچواي
إما تعلم فرغ مابيه شچواي
يگولون الجوي للداي شچواي
الگعد يمي يشم عطاب بيه

244

رحل صوت المحنه مايلولي
العسر والضيج كتبه مايلولي
الي صدگان عمده مايلولي
حساباتي غلط واصفج بديه

245

آلي صدگان عافوني يلولي
ابحلم فزيت صوت امي يلولي
تغنيلي اوتناغيلي يلولي
تمنيت الحلم ينعاد بيه

246

اهيم اشمال نوبه نوب واشراگ
الي محبوب شبه الشمس واشراگ
اشوفن صورته بلماي واشراگ
اظل مخنوگ بس هومش بديه

247

ارئ ابطيف متعنيه منايي
ابسراب ولنه محبوبي منايي
يلاهي ماتحقيقي منايي
اشوفنه وشبگه اهاي هيه

248

جميل اوملتف اعله الساگ حيله
شعله بصلي الجسد مهدوم حيله
رحل وكت الشباب البيه حيله
يرد يغزي المشيب الفتك بيه

249

علاج العرب علتني ماشفتها
المصايب رغم صلبه ماشفتها
المحنة عكب امي ماشفتها
ردت بطيف بس اتكظ اديه

250

كلب جاسي المحنة ماتلينه
يهل تحجي ابظهرنه ما تلينه
شعر للغير والله ماتلينه
ورث يدي لبوي النوب اليه

251

الوقت والبين گامو حیل یردون
ابر فاگه ما اظنهم بعد یردون
على الكوثر دعيت الله یردون
گظوهه ابطیب مالفضو رديه

252

لون ضمئان بس مايه ولارد
اولون بطيف مر سلم ولارد
اولون مشيه اونگل ساده ولارد
اليخون اجله اوتجزه الروح هيه

253

حبيبي لو نكلت الجدم چنه
اما تذكر فرد ماعون چنه
ابغياك چن صرت بلبيت چنه
اوعجوز البيت بس تدرم عليه

254

ابد مايوم زلمه كلف ينچال
هبل من گال صگر الحام ينچال
يصاحب چن احس براس ينچال
اوطناطل بلحلم تخطف عليه

255

كسفف البنخل عراس ظليت
اشمالك ياعگل براس ظليت
مثل همزة وصل بكتاب ظليت
الكتبي ماقراني اشلون بيه

256

يهادي المرض طب روي وخله
اوتنوح امفارجة احبابي وخله
اكضن صورتك بيدي وخله
ابوصط كلبي لحد يوم المنيه

257

الشامت من روه حالي روازين
له سهم وصط گلبي روازين
يصاحب شوف فتحاته روازين
اقل وحده شبر شبرين بيه

258

وحگ الي اندفن ياصاح بلراي
اتگلگط ما اهد الماي بلراي
جفاني الشاركاني ابشور بلراي
محنتي البلگلب عمت عليه

259

الفرح باگ الفرح مني وطرباه
اوخلف بلگلب عله وطرباه
ابونيني استانس الشامت وطرباه
اويطگ اصبع فرح عصار بيه

260

اريدن بس اسم فرحه وبشراه
اوكلامي ايكون مو هين وبشراه
الهي ملتفت ليه وبشراه
المفر لاوين گلي اليانويه

261

اشتھيتك كون ليلاه بسلالي
ومثل صيد الحواري بسلالي
صفت لاله حياتي بسلالي
وره ساعه اثعش طفيت بيه

262

يشامت خن افرحك وبشراك
زمانى ابسيم چاتفني وبشراك
يبيني ازلف عن المذهب وبشراك
ايخسه لن ضنتي ابربي قويه

263

عليمن وكتي اتحارب علادين
اوفوگ امنلشعر واصل علادين
اجيب امنين مصباحك علادين
افركه اومارد اخلص القضيه

264

وحگ الله اونبي احمد ويرضا
بعد ما همئني يعزل ويرضا
صديجي العثه صابتني ويرضا
ابنفط اسود فلا تلحگ عليه

265

اظن جفني الك نيه تسلمهم
يصاحب روح للموتئ تسلمهم
گلهم بلحد سلوى تسلمهم
امنموتن غاد ونسه اتصير اليه

266

تراني ابعوز انظم شعر والفن
ليالي العسر وي الضيغ والفن
ابجيبني من بگالي ربع والفن
طلب ربعين ابني اشباقي ليه

267

زمانی ایدوف بس اسموم ویباس
اوذبل وردی واحس العود ویباس
اصبر عل المصیبه اصرار ویباس
واحس لذه ابجرع کاس المنیه

268

یحگلی ابنار احطک کون وصلاح
شفیت اوبعد ما احتاج وصلاح
سید چنت اشگگ علگ وصلاح
اثاری انه ابخرگ شدیت ادیه

269

ایتجدد کل سنه امحرم طفلچن
نیران الخیم ماواحد طفلچن
بناتی اسکینه ارقیه طفلچن
سگوه ابسهم راووه المنیه

270

یدگ هیم الوکت بلهام بیران
حفرلی وبنصیف الدرب بیران
یهل تنشد علیه وین بیران
اشکثر مشتاک لهل للناصریه

قسم الدارمي

١

عاشرت كل الناس مو لجل غايه
ما عندي شي مضموم جوه العبايه

٢

ابكثر مالشام راحت سبايه
هيج انه ليه افضال موش اعله غايه

٣

عاشرت كل بي زود والعنده غيره
بس انت فوك الفوك بيرغ عشيره

٤

عاشرت كل بي زود من ذيچ الاجيال
بس انت فارس حيد للصحه خيال

٥

والكفل زينب ذيچ وضحه روحه
بسمرت روجي عليك لوحه اعللوحه

٦

حكي امن انوح اعليه والدمعه اكتبه
حبيته حب مجنون ليله ابوكتبه

٧

الردته عون اويائي خلبص قظيتي
صافي اودغش مابيه گلبي اوينيتي

٨

ماحظ ملح بزاد غزر بلحلوگ
اكتب شعر مملوح بملوحة السوگ

٩

من کثر وني اعليک ييبسته ريحي
تبجي ابدمع تمساح وسد طريحي

١٠

انطرح وکت النوم بس انطرح گاز
ون گلبي ونت ياس من يذکر اعزاز

١١

تدري الدمع من سال بللهه الهدوم
من زغري ازرع اه واحصد بلهموم

١٢

انت انبعت برخيص چا بيش اسومن
اتچه عصحبان چنت امن اگومن

١٣

الرحل وابعد غاد والجافه خله
شنهاته ونشد ليش بنشده ذله

١٤

لاوسكن بلحوت والحاجه ربه
ما مده ايدي ابعوز المده صعبه

١٥

انه الجنت بطوس و مبرد الافاد
ذبوني ذبت ماي ربعي اومشو غاد

١٦

احچيلك المكشوف ما حاجه جذب
طحت انه طيحت ماي مابيه اچلب

١٧

هاي المحنه امنين يسئل صديجي
شارب حليب النوك وانه اعلى ريحي

١٨

يلتنشد اعله الحال حال الجنازه
منتظر ملج الموت يطيني اجازه

١٩

تدري ابجفاك الروح حيل افجعته
حال التفز بالليل ماتلگه بتهه

٢٠

وي عالي مد الروح روي ارد اذبهه
چه ماوقت وياي ناس الاحبهه

٢١

نص الله حملي الشال بس نص حمل طاح
حشمت بصحبان بس واحد واحد الصاح

٢٢

چا وینه حچیک ذاک یل گتلی بضیج
یبست لهاتی اعلیک گوہ ابلع الریج

٢٣

لانی اب حزب مسؤول لانی ابوضیفه
صارت خفت یاناس ذیچ الصریفه

٢٤

لامن ذره لابییت لامن صریفه
ابدیره غرب ظلیت حال الوصیفه

٢٥

يوميه روعي اعليك هيچ انه تفتر
شربة چگاره اويك مارايد اكثر

٢٦

انطفن ها بجفاك كلهن فرد نوب
لاسمع اولاشوف بس اشتم الثوب

٢٧

عنبر عرفته اصحيح فرزنته بيدي
وكت الخضار ادنان خضر عضيدي

٢٨

والله امنصاحن اه چن سبع طاحن
لاظل نجم لاغيم يمي استراحن

٢٩

لاغزر اولافاد دمعي اويملحي
ابشعرة رمشه العين شليته جرحي

٣٠

ابراسي حسبة شوگ وبراسك الراي
تگدر تجيني ابلييل وتعصر اشفائي

٣١

صدفه او تعال بلليل مو موعد اوياك
شوف الحنان البيه گلبي اعله ملگاك

٣٢

اتسامح اويلعاف والطاح اشيله
وبورده اطگ الطاک ماطگه چيله

٣٣

من کثر وني اعليه وتکلي عوفه
من بطني أشوف گفای لوردته اشوفه

٣٤

هينه الشعر من طاح واهدله المتون
چن سهم طر بحشاي من صد بلعيون

٣٥

الفرع نص الليل وي چومة اضباع
ماگله صاحب دوم حد يوم الوداع

٣٦

رکن عليه اثنين ماشوفه بيهن
بلغلب صار الشوف ما حاجه ليهن

٣٧

ادري لگلب بي صوچ مدري لعگل تاه
کل ما افز بليل چن گاعد اوياه

٣٨

راح انه اسوي اعلان دور السنه الياي
کل من فگدله اعزاز يتگابل اوياي

٣٩

تدري ابنکير اهنآک وي منکر الصار
من شافو المحبوب صارت بلحيار

٤٠

الما يرد اخلوگ من تحچي بگفای
أعتبره مایسواش گطله ابجرف ماي

٤١

ما همني من اتموت مالبچي اعليک
میت سبع موتات يوم الهمت بيک

٤٢

ما اعتب اعلى الجاي والراح اعوفه بس العتب عل الغال
يوميہ اشوفه

٤ ٣

فاز علك انه ابضيح وامشي اعله اديه
جيتك واگلك گوم رد ديني ليه

٤ ٤

من بعت نص البيت والباجي مرهون
خوفي الشماته اتفوت وتگلي مديون

٤ ٥

سم حيه حط اوگال ها بلكت يضوگ
وانه الجنة لشفاه برحي امنلعتوگ

٤ ٦

ما أظل بعد بروح ماظل بعد صوت
ارداصرخ اسمك حيل منه وبعد موت

٤ ٧

اطلبت من هواي طلبه او شحيحه
چن طلبت المهبول من الذبيحه

٤ ٨

موگتلي حسبة يوم لو حسبة اسبوع
فرگست حتى العين من مش الدموع

٤٩

اتمهمز اومابيچ ياروحي گومه
غش الصكر ياحيف حارسته حومه

٥٠

الصدكه للموخوش تتكاثر اذنوب
اركب بلم مضبوط خالي من العيوب

٥١

ياولفي تدري اشلون گا ظاني ليلي
نوح وبجي وصياح وكفه اعله حيلي

٥٢

يختلف بجي عليك ابجانه الفصوص
چه گتلي انت ابيوم طبلية مرخوص

٥٣

ياولفي يوم اجفاك ما بجي ادموع
كل حسره جره عليك تصاگط ظلوع

٥٤

لو ميت اومدفون وبگبري ممدوود
ابكه انه اترياك لو ياكل الدوود

٥٥

امر الله هذا الموت لا بد يجي بيوم
الصدكه والصحبان ماتبگه للدوم

٥٦

الدنيا عاهر عوز ماهي ابشريفه
ماوده خير صيت يبقی امضيفه

٥٧

من صرت حد اليوم كلش فلا زين
هم او عسر و افراگ چاچاتل حسين

٥٨

محنه اولفتني ابعوز ومسامر ابضيچ
عزبته ليللي ادموع حد فكة الريح

٥٩

للمه اصدن عين ودي اشتريهه
واتذكر امي اوياي واشتم ثديهه

٦٠

صح انه معسر حال بلممشه افحط
من دمعي منطي گرام ومداین الشط

٦١

صح انه معسر مال ما عندي كلشي
جاه اوجه مرزوك وابسدهن امشي

٦٢

افزعك انه ابضيح وافرشك امتون
متعود اعله اثغال لو يذبل اكون

٦٣

اسكر اباه اوضيم مايفرغ الكاس
فكيت حزني عليك صار ابيض الراس

٦٤

درة الوجه مرصوص روح ابراهتك
اعرضك اويلزاد موس ابلهاتك

٦٥

وينك يداحي الباب درة الوجه ليك
جروه اوعلگ شديت وتوسلت بيك

٦٦

حط رجلك عله الغاع مامش ثكل بيك
موش اعله چانه اويائي تتعفرت اشبيك

٦٧

بشده دوم اوياه موش ابنفاهه
ماهد صديجي اوياي الله الغضاهه

٦٨

دگيته دگة شوگ ومفارج احباب
ساعه اوثلث ترباع مافكو الباب

٦٩

حبل الموده اوياه كثر العكد بيه
خاطر يصير اكصير من تبعد عليه

٧٠

اصبع ندم عضيت موش اعله وضعي
عل الوكت ذاك الراح تعبي اويربعي

٧١

كل ما اصد العين عل الغعده ذيچه
عركه اويروحي اصير عركة شريچه

٧٢

دهله ويجيك الماي روجه اعله روجه
لوبني لو كطان قله الشلوجه

٧٣

اه اشحلات الماي من ينحط ابحب
عوف الغشر مطروح بس الگط اللب

٧٤

غشونه بسم الدين ونحب بديهم
بس شافو النسوان گلبو عبيهم

٧٥

يبنيتي اصد لعين شحجي وشحاجي
بذنچ احطن خيظ مامش تراچي

٧٦

انه الرضيت ابهاي وتحمل الصار
النخله تطي الناس بس تشبع احيار

٧٧

مامش فرح مر يوم بس دمعي اکتھ
متفارج اويلعيد من عمري ستھ

٧٨

ماخله بيه العوز تدري اشجره اصار
راح انه ابيع البيت وفروخي الاصغار

٧٩

ييجي الفرخ ويصيح رايد حليبه
وانه العشه بدين ما عندي اجيبه

٨٠

ادريه النغوغ للسمچه مقياس
بس انشدا عل لذيل بي ريحة اخياس

محتوى الكتاب

2	بطاقة الكتاب
3	الإهداء
5	الشاعر فى سطور
47	أبيات حسب الحروف الهجائية
64	أبيات خالية من النقط
79	قسم الدارمى
94	محتوى الكتاب